



Broj: 05-04-20-3442-6/24
Maglaj, 08.10.2024. godine

Na osnovu člana 70. Zakona o javnim nabavkama („Službeni glasnik BiH“, br. 39/14, 59/22 i 50/24), člana 25. Pravilnika o javnim nabavkama u Općini Maglaj („Službene novine Općine Maglaj“, broj 13/22) i člana 42. Statuta Općine Maglaj („Službene novine općine Maglaj“, br. 8/07, 3/08, 6/08 i 6/24), a u vezi sa Zapisnikom o pregledu i ocjeni ponuda, broj 05-04-20-3442-5/24 od 07.10.2024. godine, u postupku javne nabavke „Izrada studije-bilans energetskih potreba, analiza potencijala i opskrbe iz novih/obnovljivih izvora energije na području općine Maglaj“, Općinski načelnik donosi

O D L U K U

o izboru najpovoljnijeg ponuđača

I

Prihvata se preporuka Komisije za javne nabavke i ugovor za nabavku usluga izrade studije – bilans energetskih potreba, analiza potencijala i opskrbe iz novih/obnovljivih izvora energije na području općine Maglaj dodjeljuje se konzorciju **“Plus Minus” d.o.o. Sarajevo, “Enova” d.o.o. Sarajevo i “Ceteor” d.o.o. Sarajevo**, u skladu sa ponudom broj PM-PO-159/24 od 16.09.2024. godine, po ukupnoj cijeni od **15.000,00 KM bez PDV-a**, odnosno **17.550,00 KM sa PDV-om**.

II

Ponuđač iz tačke I se oslobađa obaveze dostavljanja dokumentacije koja je tenderskom dokumentacijom određena kao dokumentacija koju dostavlja izabrani ponuđač, budući da je istu dostavio uz ponudu.

III

Za realizaciju ove odluke zadužuje se Služba za urbanizam, geodetske i imovinsko-pravne poslove Općine Maglaj.

IV

Ova odluka dostavlja se svim ponuđačima koji su učestvovali u postupku javne nabavke i ima se objaviti na web stranici Općine Maglaj.

O b r a z l o ž e n j e

Odlukom o pokretanju postupka, broj 05-04-20-3442/24 od 05.09.2024. godine, pokrenut je postupak javne nabavke „Izrada studije – bilans energetskih potreba, analiza potencijala i opskrbe iz novih/obnovljivih izvora energije na području općine Maglaj“, putem konkurentskog zahtjeva za dostavu ponuda. Predmetna javna nabavka objavljena je na portalu javnih nabavki, obavještenje o nabavci broj 1140-7-2-88-3-94/24 od 05.09.2024. godine. Sažetak obavještenja o nabavci objavljen je u „Službenom glasniku BiH“, broj 61/24.

Kriterij za dodjelu ugovora u predmetnom postupku je najniža cijena.

Predmetni postupak je, u skladu sa svojim nadležnostima, provela Komisija za javne nabavke imenovana Odlukama br. 05-45-1-874/24 od 22.05.2024. godine i 05-45-1-874-1/24 od 12.09.2024. godine (u daljem tekstu: Komisija). U toku postupka, Komisija je zaprimila pristigle ponude, izvršila njihovo otvaranje, pregled i ocjenu, prema zahtjevima i kriterijima iz

tenderske dokumentacije, o čemu je sačinila odgovarajuće zapisnike, u skladu sa čl. 63. stav (5) i 65. stav (2) Zakona o javnim nabavkama.

Komisija je utvrdila da su blagovremeno zaprimljene tri ponude, prema redoslijedu zaprimanja kako slijedi:

r/ b	Naziv ponuđača	Datum i vrijeme zaprimanja	Cijena bez PDV-a	Cijena sa PDV-om
1.	“Proving” d.o.o. Sarajevo	17.09.2024. 09,20h	29.900,00	34.983,00
2.	“nLogic” d.o.o. Sarajevo	17.09.2024. 09,21h	21.479,00	25.130,43
3.	Konzorcij “Plus Minus” d.o.o. Sarajevo, “Enova” d.o.o. Sarajevo i “Ceteor” d.o.o. Sarajevo	18.09.2024. 09,00h	15.000,00	17.550,00

Neblagovremenih ponuda nije bilo.

Sve zaprimljene ponude su prihvatljive prema formi, obliku i potpunosti, odnosno dostavljene su u zatvorenim kovertama, na kojima su bili navedeni svi podaci traženi tenderskom dokumentacijom. Prilikom otvaranja ponuda, Komisija je konstatovala da je na koverti u kojoj je dostavljena ponuda grupe ponuđača “Plus Minus” d.o.o. Sarajevo, “Enova” d.o.o. Sarajevo i “Ceteor” d.o.o. Sarajevo navedeno samo pravno lice “Plus Minus” d.o.o. Sarajevo, a da su na obrascu za ponudu navedeni svi članovi konzorcija uz oznaku vođitelja konzorcija. Uz ponudu je također dostavljen i ugovor o konzorciju. Navedeno je Komisija ocijenila manjim propustom koji nije od uticaja na valjanost ponude, tako da predmetnu ponudu nije odbacila po tom osnovu, nego se upustila u pregled i ocjenu iste, zajedno sa ostalim ponudama. Ugovorni organ ovakvo postupanje Komisije smatra ispravnim, a naročito imajući u vidu da i Ured za razmatranje žalbi u ovakvim slučajevima zauzima isti stav (npr. Rješenje broj JN2-02-07-1-615-6/16 od 19.01.2017. godine).

Komisija je, na zatvorenoj sjednici, izvršila pregled i ocjenu ponuda, provjeravajući da li dostavljene ponude ispunjavaju zahtjeve u pogledu forme, ponuđene cijene, predmeta nabavke, kvalifikovanosti ponuđača i ostalih uslova traženih tenderskom dokumentacijom.

Komisija je utvrdila da ponuđač „Proving“ d.o.o. Sarajevo ne ispunjava tražene kvalifikacije koji se odnose na tehničku i profesionalnu sposobnost. Naime, analizirajući dostavljene potvrde o uspješnoj ranijoj realizaciji ugovora, Komisija je pronašla određene nedostatke, kako je detaljno obrazloženo u tački XII Zapisnika. Komisija nije prihvatila potvrdu izdatu od pravnog lica “nLogic” d.o.o. Sarajevo, vodeći se stavom Ureda za razmatranje žalbi da potvrdu o realizaciji ugovora može dati isključivo druga ugovorna strana, kako je i propisano članom 48. stav (2) Zakona o javnim nabavkama (rješenja br. JN2-01-07-1-223-7/23 od 21.02.2023. godine, JN2-01-07-1-448-7/23 od 30.03.2023. godine, JN2-01-07-1-3522-7/22 od 19.01.2023. godine i dr.). S obzirom da je u konkretnom slučaju potvrdu izdao “nLogic” d.o.o. Sarajevo kao vođitelj konzorcija čiji član je bio “Proving” d.o.o. Sarajevo, ovu potvrdu Komisija nije mogla prihvatiti. Komisija nije prihvatila ni potvrdu Grada Cazina, broj 02-11-7261/21 od 10.06.2021. godine, u kojoj se navodi da su radovi izvedeni 08.02.2021. godine. Tenderskom dokumentacijom je traženo da su ugovori realizovani u posljednje tri godine (računajući od dostavljanja ponude); a kako je ponuđač ponudu dostavio 17.09.2024. godine, prihvatljivi su samo ugovori realizovani od 17.09.2021. godine naovamo. Iz istih razloga

Komisija nije prihvatila ni potvrdu Federalnog ministarstva prostornog uređenja, broj 01-23-10/19-529 od 21.08.2019. godine, s obzirom da se u njoj navodi da su usluge izvršene u periodu od augusta 2016. godine do januara 2017. godine. U potvrdi Grada Goražde, broj 02-04-2-4601 od 16.12.2021. godine, se ne navodi tačno vrijeme izvršenja ugovora (navodi se samo 2021. godina), međutim ukupna vrijednost izvršenih usluga je 10.413,00 KM sa PDV-om, što ne ispunjava zahtjeve iz tenderske dokumentacije u pogledu vrijednosti izvršenih ugovora. Dakle, sve i da su ugovori realizovani nakon 17.09.2021. godine, ponuđač bi svakako bio isključen zbog neispunjavanja uslova za kvalifikaciju, jer je tenderskom dokumentacijom zahtijevana realizacija ugovora u ukupnoj vrijednosti od minimalno 35.000,00 KM bez PDV-a. Slijedom svega navedenog, ponuda ponuđača „Proving“ d.o.o. Sarajevo je odbačena.

Ponuđač „Plus Minus“ d.o.o. Sarajevo (kao predstavnik grupe ponuđača), dana 27.09.2024. godine, je pozvan da obrazloži ponuđenu cijenu, u skladu sa članom 17. stav (7) Uputstva za pripremu modela tenderske dokumentacije i ponuda („Službeni glasnik BiH“, br. 90/14 i 20/15). Ponuđač je blagovremeno dostavio traženo obrazloženje, putem elektronske pošte, međutim zbog tehničkih problema na serveru ugovornog organa, članovi Komisije su isto zaprimili tek 04.10.2024. godine, kako je obrazloženo u Odluci o poništenju odluke o izboru, broj 05-04-20-3442-5/24 od 04.10.2024. godine. Nakon prijema i analize, Komisija je prihvatila dostavljeno obrazloženje cijene, s obzirom da je ponuđač detaljno obrazložio sve faktore koji su uticali na formiranje cijene ponude, navodeći da su to cijene s kojima članovi konzorcija inače nastupaju na tržištu i uspješno saraduju sa velikim brojem ugovornih organa/investitora, te istaknuo da će usluge biti izvršene kvalitetno i profesionalno, u skladu sa tenderskom dokumentacijom i projektnim zadatkom.

U predmetnom postupku e-aukcija nije provedena, u skladu sa odredbom člana 4. stav (3) Pravilnika o uslovima i načinu korištenja e-aukcije („Službeni glasnik BiH“, broj 80/23), tako da je konačna rang-lista, prema kriteriju za izbor ponude, sljedeća:

r/ b	Naziv ponuđača	Cijena / KM bez PDV-a	Cijena / KM sa PDV-om
1.	Konzorcij „Plus Minus“ d.o.o. Sarajevo, „Enova“ d.o.o. Sarajevo i „Ceteor“ d.o.o. Sarajevo	15.000,00	17.550,00
2.	„nLogic“ d.o.o. Sarajevo	21.479,00	25.130,43

Po završetku poslova koji spadaju u njenu nadležnost, Komisija je sačinila zapisnik o pregledu i ocjeni ponuda, u kojem je detaljno navela sve informacije relevantne za predmetni postupak, kao i preporuku rukovodiocu ugovornog organa da ugovor za nabavku usluga izrade studije – bilans energetske potreba, analiza potencijala i opskrbe iz novih/obnovljivih izvora energije na području općine Maglaj dodijeli konzorciju „Plus Minus“ d.o.o. Sarajevo, „Enova“ d.o.o. Sarajevo i „Ceteor“ d.o.o. Sarajevo. Preporuka je, zajedno sa izvještajem o radu Komisije, dostavljena rukovodiocu ugovornog organa 07.10.2024. godine.

U postupku donošenja ove odluke, posebno su cijenjene činjenice da je Komisija, sastavljena od stručnih lica, pravilno i potpuno izvršila ocjenu kvalifikovanosti ponuđača, te ocjenu pristiglih ponuda, u skladu sa kriterijima iz tenderske dokumentacije. Ugovorni organ nije našao nepravilnosti niti propuste u radu Komisije, koji bi eventualno bili osnov za neprihvatanje date preporuke za izbor najpovoljnijeg ponuđača i dodjelu ugovora. Uvidom u

priloženu dokumentaciju, utvrđeno je da je Komisija u svemu pravilno postupila, u skladu sa svojim ovlaštenjima i relevantnim propisima, detaljno obrazlažući svoje radnje u svim fazama postupka, zbog čega je ugovorni organ utvrdio da je izbor najpovoljnijeg ponuđača izvršen u skladu sa Zakonom o javnim nabavkama, podzakonskim aktima i tenderskom dokumentacijom.

Na osnovu izloženog, a primjenom člana 64. stav 1. tačka b) Zakona o javnim nabavkama, odlučeno je kao u dispozitivu.

POUKA O PRAVNOM LIJEKU: Protiv ove odluke može se izjaviti žalba Uredu za razmatranje žalbi, putem ugovornog organa, Općine Maglaj, u roku od pet dana od dana prijema ove odluke.

DOSTAVLJENO:

1. Ponuđači – putem maila
2. Služba za urbanizam, geodetske i imovinsko-pravne poslove
3. Web stranica
4. a/a

